

Goeng Ndi Bawx Cungj Doeng Ranz Cix Hwng Cix Hoengh

□ Veiz Vwnzgauh/韦文高

Bawx:
Gou guh hong ywenxywenx,
Cungj ndi dwengrenz,
Mwngz dawz lan yenzienz,
Ngoenz doxceng daengz haemh.

Goeng:
Gou sim seih goj ndei,
Cix vei bawx mbouj soh,
Saek seiz cawx ndaej noh,
Cix goemqndoj gag gwn.

Bawx:
Cawx noh ma cien youz,
Mwngz youh naeuz gou nyen,
Gyoengq lan youq henz demq,
Lij lw gvemq hawj mwngz.

Goeng:
Langh ndaej gwn saek vanj,
Ngoenz gangj dwk rwzrunz,
Ndaej gwn can duh mwngz,
Raemh cib hwnz ndi liux.

Bawx:
Gou bae mbanj gwn laeuj,
Rom nohgauq ma mwngz,
Ndaej gwn gvaq youh lumz,
Nanz daih mwngz le goeng.

Goeng:
Bang mwngz guh reihnaz,
Rap fwnz haz hix aeu,
Caih rap naek rap mbaeu,
Ngoenz gwj aeu ma mwngz.

Bawx:
Goengrenz mwngz nyaenx bengz,
Guh di ceng daengz haemh,
Caengz guh couh sien naemh,

Miz hauhyaenx guh vunz.

Goeng:
Geu buh gaeuq gemj gyaq,
Mwngz cix vax ma goeng,
Daenj ndang youh mbouj soeng,
Heuh goeng yienghlawz daenj.

Bawx:
Boux miz ngaenz daenj lengj,
Lij doxceng bae aeu,
Lumj ndaw ranz faenh raeuz,
Yawz lij naeuz ndi ngah.

Goeng:
Ngoenz bang mwngz langh vaiz,
Gouh haiz ndi miz daenj,
Langhseih caij deng oen,
Din foeg baenzlawz guh.

Bawx:
Ndaw ranz geij gouh haiz,
Mwngz laihdai ndi daenj,
Gouhgouh cungj naeuz gaenj(ndaet),
Canggyaj daenj ndi roengz.

Goeng:
Fwn doek langh vaiz homq,
Cix deng soemx lohndin,
Ngoenzngoeng mwngz goj raeuq,
Canggyaj lumz ndi cawx.

Bawx:
Ngoenzcog gou bae haw,
Ltdingh cawx ma mwngz,
Ndi ndaej ndi dwg vunz,
Nyengh hawj mwngz muenxeiq.

Goeng:
Langh mwngz gangj hauhneix,
Gou miz heiq dauq roengz,

Langh mwngz rox gyaenz goeng,
Gou dauq soeng gaemz heiq.

Bawx:
Bawx uk ndi rim cang,
Goeng caez bang cixbah,
Langh loek saek coenz vah,
Goeng geij nyah geij ndaq.

Goeng:
Bawx rox singj hoiz dauq,
Goenglaux sim cix an,
Miz vah caez doengz gangj,
Sim van ranz cix hwng.

Habciengq:
Gaej doxnyaux doxceng,
Guh hong hengz doiq loh,

Goeng caeuq bawx caez soh,
Guh lohloh cungj hingz.

Goeng hix rox guh goeng,
Bawx hix doeng cix ndaej,
Langh mbiengjlawz mbouj seih,
Daihcaez rox cix baenz.

Fwen guh daengz gizneix,
Naeuz gak vih geiq cing,
Cienz ranz caez doengzsim,
Dij gvaq gim gvaq ngaenz.

Cienz ranz caez doengzsim,
Fwnz gaem cim ndaej yungz,
Goeng ndij bawx caez doeng,
Gya cix hwng cix hoengh.....

(2 sat)



Gveilinz Yangzsoz Cin youq laj ndithaemh gingjsaek lumj sei lumj veh.
Vangz Swnglinz ingj

Lij Danenz naeuz: “Gou dwg vih le ranz raeuz siengj ha, hong hix mbouj lai, doengh laeuz ndeu ngamq canh seiq fanh maenz, vihmaz song vunz bae faen?”

Mehyah de mbouj gangj vah lo, doxyouq cib bi, rox sim rox daej, caiq doxeuq roengzbae couh baenz doxceng, doxceng couh baenz doxdaj, de hix mbouj caemxndang, haeuj rug bae ninz.

Lij Danenz dwk denva hawj Cinz lauxbanj, naeuz Vangz Gencingh yiemz honggyaq daemq lai mbouj

guh, de gag guh suenq lo, Cinz lauxbanj naeuz, gawqyienz Vangz Gencingh mbouj haengj guh, mwngz couh gag guh ba.

Doenghbaez betcib goujcib nienzdaih ra vunz deng bae ranz wnq roxnaeuz mbanj wnq cij ra raen vunz, seizneix denva baez bued naenx, geij miux cung couh lienzhaeh hwnj.

Lij Danenz vunzmeg gvangq, cib geij faen cung couh lienzhaeh ndaej

seiqcib boux vunz, miz vunz ndawmbanj, miz caencik, beixnuengx, gyoengqvunz saenq de, lai bi daeuj, riengz de guhhong ndaej cienz vaiq, coengzlaiz mbouj yiemq cienzhong bouxlawz. Seizneix aen hong neix dwg daihgya bau roengzdaeuj guh, moix bingzfueng cibhaj maenz, cij bauhong mbouj bau liuh, gyoengqvunz gig nyienh'eiq guh.

Lij Danenz faenboiq seiqcib boux vunz youq gak aen laeuzcaengz, song boux guh caengz ndeu.

Doengh daihlaeuz neix, sang ngeihcib caengz, dwg laeuzsijsaw, caeuq Namzningz Doeng Hojcehcan doxgek mbouj gya, bi' gvaq caep baenz, bineix dajcang, Cinz lauxbanj cienz bau roengzdaeuj, raemx, dienh ancang, ciendeihbanj nemdiep, bakdou, conghcueng ancang, gij hong neix guh baenz le, gunghyinz guhsat deuz caez, seizneix dwg gvethau, bangxciengz caeuq denhvahbanj cienzbouh gvethoi, seiqcib boux gunghyinz caezsim gaprengz, song ndwen seizgan couh gvethoi caez doengh laeuz neix, Cinz lauxbanj niemhsou habgek hawj caez cienzhong, Lij Danenz canh ndaej seiq fanh maenz.

(7)

Lauxdoengz

□ Moz Lijginz / 磨礼勤

